

**Pelegrinaje dles èles:** la uniu dles èles invièia düttes a gní en mertesc, ai 09 de otober a Maria Saalen dlungia S. Laurènz. An pèia ia da Pedraces dales 13:00 y por informaziuns y prenotaziuns cherdede Roberta al nr. 338 3852548 ( domisdé o sèra).

**Sac dla Caritas:** i ciafèise indô te calonia o te ciamena dl'Ega Santa.

**La bibiloteca Sas dla Crusc** invièia düc i interessá a "Amisc dla letôra s'incunta – te sai bel da lí?" en jöbia ai 11 de otober dales 20:00-

**Seminar por seniores"** dai 22 ai 26 de otober o dai 5 ai 9 de novèmber vègnel tigní n seminar de 5 dis por seniores cun n program dèr interessant, sot al titul : "Gutes für Körper und Geist" .nformaziuns plö avisa ciafèise pro la Cusanus Akademie al nr. 0472-832204 o [www.cusanus.bz.it](http://www.cusanus.bz.it) - Cost : 160,00 €.


**Film:** le Consèi Cultural de Badia invièia a ciaré al film "Wonder" ai 12 de otober dales 17.00 tla Ciasa de Cultura a La Ila. Le film insègna, dandaldüt ai mituns, de ne avèi nia preiudizi sce valgügn ciara fora atramènter.

**"I fajun teater deboriada":** l'Uniu Teater La Ila y Aterteater mèt a jí n curs de teater por mitans/ mituns dla 3, 4 y 5 tlassa dla scora elementara (max 15) da en lönesc 8 de otober inant cun Erika Castlunger. Le curs vègn fat vigni lönesc cina ai 17 de dezèmber dales 16:30 ales 18:00 tla Ciasa de Cultura a La Ila. Informaziuns y iscriziuns: Erika 3396288847.

**Curs de "pilates":** le KVV de Badia organisèia chësc curs por 10 iadi dai 31 de otober inant dales 19:30 te palestra a Badia cun Susan Tavella. Prenotesse pro Michela al nr. 328 0984630.

**Laur davert por la jonèza:** le Sorvisc ai Jogn lascia alsavèi che al mèt endô man le proiet. Tratan les ores de daurida, acompagnades, ciafa jogn/ jones dla scora mesana y alta la poscibilitè da passé so tèmplè lède adòm cun compagns. Implü ti vègnel pitè de vigni sort de ativités da se devertí. Le Zènter dla jonèza SaJ.un (Ciasa dla cultura a La Ila, alzada - 2) é davert vigni mercui dales 13.30 ales 20.00, le vèndres dales 15.00 ales 22.00 y la sabeda dales 17.00 ales 23.00.

Orars de daurida dl Sorvisc ai Jogn: lönesc - jöbia dales 8.00 ales 12.00.



# Plata dla Ploania Badia

San Iaco - San Linert

Ploan: **Siur Iaco Wendelin Willeit**  
Calonia Badia: **0471/839571**  
E-Mail: **parrocchiabadia@libero.it**  
Radio dla Ploania: **91,10 Mhz**

UNITÉ PASTORALA



[www.unitepastorala.org](http://www.unitepastorala.org)

Ann „B“ 07.10. - 14.10.2018 27<sup>a</sup> Domènia dl Ann n. 45

## Festa de Santa Maria dl Rosare

*Di la Corona é nia ater che  
contemplé adüm con Maria  
la vita de Gejù.*



### Vangele dla proscima domènia - XXVIII<sup>a</sup> dl ann „B“

Mc 10,17-27

Te chël tèmplè ti n'él salté un adincuntra a Gejù s'á injenedlé jö y l'á damanè: Bun maester, ci mëssi pa fá por davagné la vita eterna? Gejù ti á respognü: Ciodí me dijeste pa bun? Degügn n'é bugn ater co Dî, èl su. Tö conèsces pö i comandamènc: Te ne desses nia copé, te ne desses nia rumpí le matrimone, te ne desses nia arobé, te ne desses nia dé testimonianza falza, te ne desses nia fraudé, onorèia to pere y túa uma! Al ti á respognü: Maester, düc chisc comandamènc ái osservé da jonn insö. Dailó ti á Gejù ciaré ados, y deach'al ti orò bun, ti ál dit: Öna na cossa te mancia ciamó: Vá y vènn ci che t'as, dá i scioldi ai püri y t'aras n tesur tl cil; spo ví y vime do! Mo chël á ciafé la ria canch'al â aldí chësc y é jü cun tristèza demez; deach'al â n gran avèi. Dailó ti á Gejù ciaré ia a sü discepui y ti á dit: Tan ri ch'al é por jènt che á tröp, da rové tl règn de Dî! I discepui é restá mal por sües parores. Mo Gejù ti á ciamó dít: Mi mituns, tan ri ch'al é da rové tl règn de Dî! Denant vá n camel fora por n büsc de na odla, che n rich ròies tl règn de Dî. Mo èi s'á spordü ciamó deplü y dijò un al ater: Che sciafia pa spo da gní salvà? Gejù ti á ciaré ados y á dit: Por la jènt é chësc imposcibl, mo nia por Idí; Deache por Idí é döt poscibl.

# FUNZIUNS SACRES

## 07.10. **27<sup>a</sup> DOMÈNIA dl Ann B – Segra de Rosare**

- 10.00 **Mëssa por la Comunità**  
†to Konrad Dapoz - aniversar  
†ti Giuseppe, Maria y Franz Burchia  
†ta Agnes Pitscheider Irsara
- 14.30 **La Crusc: Mëssa y Traslaziun de Chëlbeldî da La Crusc**
- 15.00 **Zelebrazium dl Bato**
- 18.00 †to Edi Adang / †ta Waltraud Pizzinini  
por fam. Raimund y Martina Pitscheider  
por fam. Malia Pedratscher

## 09.10. **Mertesc**

- 19.30 por i novic Caterina Dapunt y Stefan Sottara  
por les families Dapunt de Sovalgiarëi  
†ti Pepele y Lois Nagler

## 10.10. **Mercui - Mëssa cun i scolars dla elementara**

- 07.30 †ta Nane Nagler / †ta Maria Nagler  
†to Elias Dal Bosco

## 11.10. **Jöbia - S. Jan XXIII - Papa**

- 19.30 **S. Mëssa cun presentaziun di crejimanc 2019**  
†to Serafin Ploner  
†ti Felice y Maria Flatscher  
†ta Rita Rungg

## 12.10. **Vëndres**

- 07.30 †ti Emma Irsara de Pescol  
†to Michele Crepaz  
†tes Olga y Angela Costa

## 13.10. **Sabeda**

- 14.00 Noza de Caterina Dapunt y Stefan Sottara  
16.00 Mëssa a Oies

## 14.10. **28<sup>a</sup> DOMÈNIA dl Ann B**

### **Scomenciamënt dl'Edema dla Fede 2018**


- 10.00 Mëssa Grana  
†ta Paola Frena Pitscheider  
†ta Veneranda Ferdigg
- 15.00 Funziun y Prozesciun cun Chëlbeldî da La Crusc
- 18.00 †ta Rosa Crepaz  
†to Hermann Irsara dl Gran Ander  
†to Sepl Tavella

# Dala VITA dla CÛRA


## **Edema dla Fede 2018: „Credo, credo, nos cherdun“**

- Domënia, 14 d'otober:** Scomenciamënt te vigni Ploania
- Lönesc, 15 d'otober:** 20 h a Corvara /salf calonia „mesa torona mia fede – al prigo !?“ (cun siur Ulrich Fistill, Valentin Erlacher, Renate dl Capela y Paola Tasser)
- Mertesc, 16 d'otober:** 20 h a Al Plan (dlijia) „sëra di Salms“ (cun siur Iaco Ploner)
- Jöbia, 18 d'otober:** 20 h a Badia (salf uniuns) sëra sola la Crejima (cun Markus Felderer y Team)
- Vëndres, 19 d'otober:** 20 h a La Val (dlijia) „Passionsspiel“ (cun l'uniun dl teater y Cor de dlijia La Val)
- Sabeda, 20 d'otober:** 20 h a San Martin (dlijia) „concert sacral“ (cors de dlijia da S. Martin, La Ila, Lungiarü y Cor Eres Al Plan)
- Domënia, 21 d'otober:** 18 h a Oies „funziun de conclujiun“ cun prozesciun dles ciandëres dales 17.15 h da Badia demez (cianta cor Philia)

\*\*\*\*\*



En sabeda, ai 06.10.2018 se á uní tl Sacramënt dl **MATRIMONE** Florian Valentin cun Anca Baldau. Dûta la Comunità ti aoda tröpa ligrëza y benedisciun de Dî sön so tru deboriada.



En chësta domënia, ai 07 de otober ciafa le Sacramënt dl **BATO** la müta **Angelina** de Christian Nagler y Monica Deval. Ala picera che tolun sö cun ligrëza te nosta comunité cristiana y a sü geniturs les mius audanzas.

**Crejimanc 2019:** en jöbia, ai 11 de otober gnarál presenté tratan mëssa da sëra i crejimanc che ciafa ai 19 de ma 2019 le sacramënt dla Confermaziun; n momënt dër important por dûta la comunité. Düc é inviá a partezipé y a perié por ëi.

**I crejimanc instësc é periá de gni dales 19:00 por na picera proa.**

**Bibelrunde cun Siur Sepl Granruaz:** se incuntun en mertesc ai 09 de otober dales 20.00 te calonia de Al Plan (bass ite). Düc é dër bel inviá.